

EKALESIA FAAPOTOPOTOGA KERISIANO I AMERIKA SAMOA

TUSI AOGA ASO SA



VASEGA AMATA I



AUKUSO - TESEMA

2026

Saunia : Ofisa o A'oa'og Kerisiano

FAASOLOGA MATAUPU
VASEGA AMATA 2 (TAUSAGA 5-7)
AUKUSO - TESEMA 2026

<u>MATAUPU</u>	<u>ASO</u>	<u>AUTU</u>
Mataupu 01	Aukuso 02, 2026	Saulo o le Tupu Muamua o Isaraelu
Mataupu 02	Aukuso 09, 2026	Tavita o le Tupu Lona Lua o Isaraelu
Mataupu 03	Aukuso 16, 2026	Ionatana
Mataupu 04	Aukuso 23, 2026	Solomona le Tupu Poto
*****	Aukuso 30, 2026	MATAUPU FAAMANATU
Mataupu 05	Setema 06, 2026	O le ā le Talalelei?
Mataupu 06	Setema 13, 2026	Fai Faiva i Tagata
Mataupu 07	Setema 20, 2026	Tatalo a le Alii
*****	Setema 27, 2026	MATAUPU FAAMANATU

MALOLOGA MO LE LOTU TAMAITI

Mataupu 08	Novema 01, 2026	O le Alii o Lo'u Leoleo Mamoe o Ia
Mataupu 09	Novema 08, 2026	O le Alii o Lo'u Malamalama Ia
Mataupu 10	Novema 15, 2026	Fiafia i le Alii o lo outou Malosi lea
Mataupu 11	Novema 22, 2026	Tavita ma Koliata
*****	Novema 29, 2026	MATAUPU FAAMANATU
Mataupu 12	Tesema 06, 2026	O le a Fanau mai Iesu
*****	Tesema 13, 2026	SU'EGA FAAIU 2026

ASO SA: AUKUSO 02, 2026

MATAUPU 01: SAULO, O LE TUPU MUAMUA O ISRAELU

TUSI FAITAU: 1 Samuelu 10: 1-8

SINI: Ia malamalama ma iloa e le fanau, o Saulo o le tupu muamua o Isaraelu.

FESOASOANI MO FAIAOGA:

Suafa o Iesu Keriso le ta'ita'i sili o le galuega, e faatalofa atu ai i lau susuga. Malo le fa'atoatoa, malo le onosa'i i le soifua ofoina atu mo le ekalesia ma lana a'oga aso Sa. Ua tatou aulia mai le afa mulimuli o galuega faagasolo o lenei tausaga, faafetai lagolagosua i faatinoga o mataupu mo nai fanau. Ta'oto atu pea i lau susuga le faitauina o le Tusi Paia, faatasi ai ma nisi o au sa'iliiliga, faamautūina ai lau tapenaaga mo vasega a le fanau. Faamanuia le Atua i galuega a feagai ai.

FESOASOANI MO LE MATAUPU:

Ua sauni Saulo ma le tasi taule'ale'a e o' atu e tau saili asini a Kiso lona tamā. A ua avatu ai le feau a Samuelu e sau i lona fale, se'i ta'u atu i ai le finagalo o le Atua. Ua musumusu le Alii i le taliga o Samuelu ma faapea atu, "O le itu aso taeao oute auina atu ai le tagata mai le nuu o Peniamina, e te fa'au'u ia te ia e fai ma alii (tupu) o lo'u nuu o Isaraelu. Ua iloa mai Saulo e Samuelu, ona ta'u atu lea e le Alii ia te ia, "o le tagata lena na ou fai atu ai ia te oe, e pule o ia i lo'u nuu. Ona tago ai lea o Samuelu i le fagu u'u, ua liligi ifo i lona ulu, ma fa'au'u i a te ia, e fai ma tupu muamua o Isaraelu.

A'OA'OGA:

1. O Saulo o le tupu muamua o Isaraelu

GALUEGA FAATINO: Fesili / Tusiga igoa

A'oa'o le fanau i le fesili/tali ua tuuina atu. Fai se kopi o le galuega tusitusi o loo avatu, e fa'ata'ita'i ona tusi (trace) ma sipela (spell) le igoa o Saulo, ina ia faamasani lo latou faalogo ia Saulo ma lona igoa.

Fesili: O ai le tupu muamua o Isaraelu? (O Saulo)

PESE: Who's the King of the Jungle

Who's the King of the Jungle, who's the King of the Sea,

Who's the King of the Universe, the Jungle and the Sea

J-E-S-U-S, He's the King of King

He's the King of the universe, the jungle, and the sea

IGOA/NAME _____

S a u l o

— — — — —



ASO SA: AUKUSO 09, 2026

MATAUPU 02: TAVITA O LE TUPU LONA LUA O ISRAELU

TUSI FAITAU: 1 Samuelu 16: 1-13

SINI: Ia malamalama ma iloa e le fanau, o Tavita o le tupu lona lua o Isaraelu.

FESOASOANI MO LE FAIAOGA:

Malo le onosa'i, faafetai le fa'amalolosi i mataupu mo lesona a le fanau. O se tala masani ma ua lausilafia. O le a ta'oto atu lava i lau susuga le fa'amatalaina o le mataupu i se auala e faigofie ma talafeagai mo le vasega. A o le autu, ia fa'amasani le fa'alogo a le fanau i le tagata e igoa ia Tavita.

FESOASOANI MO LE MATAUPU:

Ua lē fa'alogo Saulo i le faatonuga a le Atua. O le lē usita'i o Saulo na amata mai i lona loto, mafua ai ona le faamaoni. Na faanoanoa Samuelu ina ua lafoa'i e le Alii Saulo ina ia le fai ma tupu o Isaraelu. Fetalai le Atua ia Samuelu, "faatumu lau fagu nifo i le suā'u ma e alu atu ia Iese le Peteleema, auā ua ou iloa i ona atalii, le tasi oute faia ma tupu". Ua alu Samuelu ma faailoa le finagalo o le Alii ia Iese ma ona atalii. Ua latou mafuta ma fai taulaga faatasi. Ua ō ane atalii e toafitu a Iese i luma o Samuelu, o tagata tino lelei ma mauuluga. Peita'i e lei filifilia e le Alii i latou nei. Fetalai le Alii ia Samuelu, aua le vaai i le tino. Auā o le tagata e vaai i le tino, a o le Atua e vaai i le loto. Ua fai atu Samuelu ia Iese, po ua atoa mai lana fanau. Ua fai mai o ia, toe lava o le ui'i, o loo leoleo ia i mamoe. Ua ia aami i a Tavita, ona sau ai lea o ia. Fetalai le Alii, ina fa'au'u ia te ia, auā o ia lena. Ua filifilia e le Atua Tavita ona o le tagata e loto usita'i, loto alofa, ma loto faamaoni. E le o se tagata tino lelei ma mauuluga. E laititi ma faatauvā'a, a o se tagata e usita'i, alofa, ma faamaoni. Na iloa lea tulaga ina ua su'e atu Tavita, o lo'o tausi ma leoleo mamoe a lona aiga i le vao. Ona tago lea o Samuelu i le fagu nifo o suā'u, ua fa'au'u ai ia te ia i luma o ona uso. O Tavita foi lea na fa'ato'ilaloina le toa ta'uta'ua o Filisitia e igoa ia Koliata.

A'OA'OGA:

1. Fa'alogo ma usita'u, e maua ai le mea lelei.
2. Loto alofa ma loto mauuluga, e fiafia i ai le Atua.
3. O Tavita, o le tupu lona lua o Isaraelu.

*** Ma nisi a'oa'oga te finagalo ai.

GALUEGA FAATINO: Ata Valivali / Maze

Fa'amolemole fai ane ni kopi o ata a le ua tuuina atu i lalo, faatasi ai ma ni peni vali mo galuega fa'atino a le fanau.

PESE: Into my Heart


DAVID



ColoringBookFun.com

David & Goliath Maze

Help David find his slingshot and stones.



ASO SA: AUKUSO 16, 2026

MATAUPU 03: IONATANA

TUSI FAITAU: 1 Samuelu 15: 13-24

SINI: Ia malamalama le vasega, o Ionatana o le atali'i a Saulo, ma o le uō mamae fo'i a Tavita

FESOASOANI MO FAIAOGA:

Fa'amalo le onosa'i, faafetai le fa'amalolosi i feau ma galuega o feagai ai. Tatou fa'asoa lenei aso i le tala ia Ionatana. O le fa'amamafa lava ia, ia fa'amasani le fa'alogo a le fanau i igoa o tagata eseese o le Tusi Paia. O le a lē taumafai e so'ona tala i tua le mataupu. A o le mea taua ia iloa le fanau o Ionatana o lona tamā o Saulo (le tupu muamua o Isaraelu), ma sa ia fesoasoani ia Tavita ma avea ai ma ana uo mamae (best friend).

FESOASOANI MO LE MATAUPU:

Lele fa'ato'ā uma atu lava ona fa'ato'ilalo e Tavita le toa o Koliata. Ua fo'i mai ma le manuia i le taua ma le fasiga o Filisitia. Ona fesili lea o Saulo ia Tavita, le atali'i ea o ai oe? Tali Tavita, o a'u o le atali'i o lau auauna o Iese le Petele'ema. Ua uma atu ana upu, ona pi'i mau lea o le loto o Ionatana i le loto o Tavita. Ua alofagia Tavita e Ionatana, ma ua osi ai foi e Ionatana le fegaiga ma Tavita e avea ma ana uo mamae (best friend). Ua iloa le uo lelei i gaioiga ma fa'atinoga lelei na faia e Ionatana. Ua to ese lana ofu talaloe, ofu tino, lana pelu, lana aufana, ma le fusi sa ia te ia, ua foa'i atu ia Tavita. A o se fa'ata'ita'iga lelei foi lea mo i tatou uma, ia avea i tatou ma uo lelei. Ia tatou lima foa'i (giving), fesoasoani atu (helping), fefa'asoa'i (sharing). O ata uma na o le uo e alofa (love), pei ona faia e Ionatana mo Tavita.

A'OA'OGA:

1. Avea oe ma uo lelei. (Be a good friend)
2. Alofa i au tuā'o'i (Love your neighbors or love one another).
3. Fa'asoa ma fesoasoani atu (Sharing/giving is caring).

*** Ma nisi a'oa'oga ua e manatu ai.

GALUEGA FAATINO: Fa'afeso'ota'i togitogi / Connect the dots

E talosaga atu i le ava tele, fa'amolemole fai ni kopi o le ata / pepa galue ua saunia mo galuega a fanau.

PESE: Love is something if you give it away!

Love is something if you give it away, give it away, give it away


Love is something if you give it away, it will come right back to you

It's just like a magic penny, hold it tight and you won't get any

Lend it, spend it, give it away – it will come right back to you

Jonathan sent a secret message to David.
Jonathan shot arrows far beyond David.
Then David knew he must flee.

Connect the dots.
1 2 3 4 5 6 7 8 9 10 11 12



Children's Worship Bulletins | www.childrensbulletins.com

ASO SA: AUKUSO 23, 2026

MATAUPU 04: SOLOMONA LE TUPU POTO (Solomon the Wise King)

TUSI FAITAU: 1 Tupu 3: 5-15

SINI: Ia a’oa’oina le fanau o le ole atu o Solomona i le Atua, na foa’iina mai ai le poto.

FESOASOANI MO FAIAOGA:

Malo le tauata’i, faafetai le lagolagosua i galuega fa’agasolo a lau ekalesia. O le a taoto atu pea le aotelega o le tala i le tupu o Solomona i sau lava malamalama’aga atoa ai ma ni au su’esu’ega e fesoasoani i le mataupu. A o lenei aso, e fia fa’atauaina le ola sa’ili o Solomona e ala i talosaga, na toina ai e le Atua le poto ma le loto matala mo ia.

FESOASOANI MO LE MATAUPU:

Ua latalata ona po e oti ai Tavita, ona fai ai lea o lana mavaega ma lona atalii o Solomona. Ua ia faapea ane ia Solomona, “ia e fa’amalosi, ia e tausi i sauniga a le Alii lou Atua, ia e savali i ona ala, ma tausi i ana tulafono”. Ua maliu Tavita, ona avea lea o Solomona e fai ma tupu o Isaraelu. Ua moe le tupu o Solomona, ona fa’aali mai ai lea o le Atua i le miti. Ua fetalai le Alii ia Solomona, “pe se a se mea oute avatu ma oe?” Ua tali Solomona, “le Alii e, lo’u Atua, ua e faia lau auauna ma tupu. O a’u foi o le tamaitiiti, oute le iloa se mea e tasi. Ia e foa’i mai ia te a’u le loto matala, ina ia ou iloa ona ou fa’amasino atu ma ta’ita’i le nuu. Ua lelei i le fa’afofoga a le Atua le fa’atoga (talosaga) a Solomona. E lei tatalo Solomona ina ia tele ni ana mea, pe fa’atigaina se tasi o ita ia te ia. Ua silafia e le Atua le ole atu o Solomona, ona foa’ina ai lea o le loto poto ma le matala. Fetalai le Alii, “afai foi e te savali i o’u ala ma tausi a’u tulafono ma poloa’iga, oute fa’afualoa ou aso.” O le feau foi lenei mo i tatou uma. Ia tatou tatalo i le Atua i aso uma ma tausi ana tulafono/poloa’iga i taimi uma, ona fa’atumauiina lea o lona alofa ia i tatou.

A’OA’OGA:

1. Faitau le Tusi Paia ma Tatalo i aso uma (Read your Bible and Pray everyday)
2. E tali mai le Atua i talosaga (God answers every prayer)

GALUEGA FAATINO: Valiga Ata / Pese

Fai ni kopi o le ata ma tapena ni peni vali mo galuega a le fanau. Usu ma fai taāga o le pese ua tuuina atu e fa’amautū ai le lesona o lenei aso.

PESE: Read you Bible and Pray everyday!

Read you bible and pray everyday, pray everyday, pray everyday

Read your bible and pray everyday, and you’ll grow, grow, grow

And you’ll grow, grow, grow – And you’ll grow, grow, grow

Read your bible and pray everyday, and you’ll grow, grow, grow



ColoringPagesOnly.com

ASO SA: AUKUSO 30, 2026

MATAUPU FAAMANATU O AUKUSO: FESILI MA TALI

Momoli le agaga faafetai i lau susuga tusa ai ma galuega mae'ae'a o lenei masina. O le aso lenei ua atofa mo mataupu faamanatu a le fanau. E iai le manatu o le a taoto atu i lau susuga su'ega a le fanau, e fua i lau silasila ma lau faatatau. A o se tu'u alalo, ia aofia uma mataupu ta'itasi o lenei masina na a'oa'oina i lau tapenaga. Manuia tele lau galuega lenei aso, manuia le a'oa'oina o le fanau.

ASO SA: SETEMA 06, 2026

MATAUPU 05: O LE TALALELEI.

TUSI FAITAU: Mareko 16: 15 *“O atu ia outou i le lalolagi uma, ina tala'i atu ai le talalelei i tagata uma lava.”*

SINI: Ia malamalama le fanau le uiga o le “Talalelei”. Fa'ailoa i le fanau le Misionare na aumaia lea tala, ma le igoa o le Va'a na malaga mai ai.

FESOASOANI MO FAIAOGA:

Malo le galulue, faafetai le onosa'i. Ua tatou aulia manuia mai lenei masina fou, a o le Aso Sa foi e fa'amanatuina ai le taunu'u mai o le Talalelei i Samoa. Oute taofi o se mataupu tele lea mo nai fanau. Ae iai le manatu e fa'atāua le fa'alogoma le iloa e fanau o le uiga o le Talalelei, le igoa o le Misionare, le igoa o le Va'a. Lē afaina le tala i lona atoaga auā e aga'i pea i luma le soifuaga. Na o ni vaega ootoo ia mo lau tapenaga. Ae taoto atu lava i lau susuga le fa'atinoga o au faiva alofilima e ala i le a'oa'oina o fanau. Manuia tele le tapena atu mo mataupu a le fanau, manuia le Aso Sa o le Talalelei.

FESOASOANI MO LE MATAUPU:

Samoa i aso anamua, sa leai ni Fale Sa ma ni lotu. Leai ni a'oga Aso Sa ma ni autalavou, e lē iloa e tagata Iesu. E le iloa tagata Samoa e iai se Atua, auā sa latou tapua'i i le la, masina, fetū, la'au, o manu o le vao, ma i'a o le sami. I lea foi vaitau, sa fetaua'i tagata ma femisaa'i nu'u, le maua se filemu. Peita'i o le tausaga 1830, na taunu'u ai le va'a o le 'au Misionare e igoa o le “Savali o le Filemu”. Sa sau ai le Misionare (poo le Faifeau) e igoa ia “Ioane Viliamu (John William) ma le Tusi Paia. Ua a'oa'oina ai tagata Samoa i le “Talalelei”, o le tala ia Iesu Keriso. O le taunu'i mai la o Misionare ma le tala e lelei, na iloa ai e tagata Samoa le Atua ma le fa'aolataga a Iesu Keriso. O iina na amata ai ona lē toe tapua'i Samoa i mea sa masani ai. A ua talia le Talalelei na aumaia e Misionare ma tapua'i ai i le Atua soifua. Le mafuaaga lena ua tatou omai ai i le lotu ma le a'oga Aso Sa, tatou te tapua'i ai i le Atua o lē e ona le Talalelei.


A'OA'OGA:

1. Le a le uiga o le “Talalelei”? (O le tala ia Iesu)
2. O ai le igoa o le Misionare na aumaia le Talalelei i Samoa? (Ioane Viliamu)
3. O le a le igoa o le Va'a na omai ai Misionare ma le Talalelei? (Savali o le Filemu)


GALUEGA FAATINO: Fa'afesoota'i togitogi / Vali ata

Fa'amolemole fai ni kopi o pepa galue ma tapena ni peni vali mo galuega a nai fanau mo lenei aso.

PESE: Let's talk about Jesus, deep down in my Heart!



Color the boat.



1- red 2- blue
3- yellow 4- green

ASO SA: SETEMA 13, 2026

MATAUPU 06: FAI FAIVA I TAGATA (Fishers of Men)

TUSI FAITAU: Mataio 4: 18-22

SINI: Ia a’oa’oina le fanau, o le fai faiva i tagata, o le vala’au lea a Iesu e mulimuli atu ia te ia ma fesoasoani e tala’i le Talalelei.

FESOASOANI MO FAIA’OGA:

O le agaga faafetai e le fa’aitiitia, ona o le lava papale ma le onosa’i i galuega o feagai ai ma Aso Sa ta’itasi. Taumafai lava i se auala e fa’afeso’ota’i ai le mataupu mo lenei aso aga’i i le aso Sa ua mavae. Fia tuliloa pea le uiga o le Talalelei ma lona autu, e fa’amasani ai le fa’alogo a le fanau i lo latou ola tuputupu a’e. Taoto atu lava i lau susuga le tapenaga ma lau fa’atinoga, e momoli ai lau lesonea i se auala talafeagai mo lau vasega. Manuia le tapena atu mo mataupu a le fanau.

FESOASOANI MO LE MATAUPU:

Lea ua sau Iesu e amata ona fa’aailoa i tagata ia salamō auā ua latalata mai le malo o le lagi. Le talalelei lea na finagalo Iesu e tala’i atu. Peita’i, na manomia e Iesu ni tagata e fesoasoani i lana galuega. O le mataupu lenei taeao, o le vaega tonu lea na valaauina ai e Iesu ana ‘au so’o muamua. Ua savali ane Iesu e latalata i le vai o Kalilaia, ona iloa atu lea o le ‘au uso e igoa ia Simona Peteru ma Anetere’a. Le ‘au uso lenei, o le la galuega ma le taleni o le fagota. O tagata fai faiva e fagota i’a e tausii ai latou aiga. Taunu’u atu Iesu o loo lafo le la upega i le vai. Fetalai atu lea o Iesu ia te i la’ua, *“Ina mulimuli maia ia te a’u, oute faia ouhua ma fai faiva i tagata”*. O le a avea Simona ma Anetere’a ma so’o e tala’i le Talalelei i tagata ina ia faaolaina. O le uiga foi lea o le upu “So’o”, o se tagata ua avea ma auuuna e mulimuli ia Iesu, ma tala’i le Talalelei. O lona uiga, o le a ō atu i la’ua i tagata ina ia talitonu ia Iesu ma fa’aailoa le tala o le faaolataga. Ioe, na tu’ua e Simona Peteru ma Anetere’a le la galuega o le fagotaina o i’a, ae ua fai ma soo o Iesu. Lea ua avea ma fai faiva i tagata e mulimuli ia Iesu ma lana misiona e folafola atu le alofa o le Atua e ala i le Talalelei.

A’OA’OGA:


1. E fia mafuta mai pea Iesu ia i tatou.
2. Mulimuli ia Iesu le uō sili.

GALUEGA FAATINO: Pese / Tusi Lolomi Igoa

Usu ma fai taāga o le pese ua saunia. Fai se kopi o le pepa galue ua tuuina atu, e valivali le ata ma fa’ata’ita’i le tusi lolomi a le fanau.

PESE: Oute faia outou ma fai faiva i tagata / I will make you fishers of men

Name/Igoa _____



ASO SA: SETEMA 20, 2026

MATAUPU 07: TATALO A LE ALII (Lord's Prayer)

TUSI FAITAU: Mataio 6: 9-13

SINI: Ia a'oa'oina le fanau e tatau ona iloa ma fiafia e tatalo.

FESOASOANI MO FAIA'OGA:

Malo le fa'atoatoa, fa'afetai le onosa'i i galuega fa'agasolo a lau ekalesia ma lana a'oga Aso Sa. Se tasi nei o mataupu taua ua iai se manatu e tatau ona amata a'oa'o ai le fanau ina ia fa'amasani le fa'alogi i le tatalo a le Alii. Taoto atu lava le fa'atuatuaga i lau susuga, ua e silafia lava le fa'atinoga o lau lesone i se auala faigofie ma talafeagai mo mataupu a le fanau. God Bless!

FESOASOANI MO LE MATAUPU:

Ua a'oa'o Iesu i lana 'au so'o ma fa'apea atu, "O lou Tamā (Atua) foi, e silafia mea lilo, o ia foi na te avatu se tau i te oe." O le tatalo poo talosaga, o le auala lea tatou te fesootei ai i le Atua. Ua a'oa'oina lava i tatou e o tatou mātua e tatalo. A oo ina o le a moe, ala mai i le taeao, ia aemaise foi le taimi o le a 'aai ai. O le tatalo a le Alii lea ua tatou iloa, o le tatalo lea na a'oa'o ai e Iesu ona soo. Iloa lelei e Iesu, o le auala lea e tatau mo i latou, e sa'ili ai i le Atua fa'apea ma ia. Auā o lona Tamā (le Atua) e auai pea ma le tagata i taimi uma, e fesoasoani i lana fanau. E tolu (3) vaega taua o le tatalo. Tatalo e vivii ai ma faafetai, faatoese. ma ta'u i le Atua mea e manaomia. O le auala sili lea e ta'u ai i le Atua mea uma o lo tatou manana'o ai, ua na o ia lo tatou fesoasoani sili. A 'ē tatalo, ia faia ma lou loto atoa ma ia e mafuta atu i le Alii ma le fa'amaoni. Fanau, o le tatalo i le Alii, e tutusa lelei lava ma lou talanoa i ou matua (Mom/Dad). E te faafetai ai mo mea lelei uma, e te fa'atoese ai pe a e fa'alogi gatā, e te fai ai foi i mea e te mana'omia. Tamaiti, e manuia le tamaitiiti e fiafia e tatalo.

A'OA'GA:

1. E mana'o Iesu ia tatou ola tatalo.
2. Tamaitiiti e to'aga e tatalo, e manuia.

*** Ma nisi a'oa'oga ua e manatu ai.

GALUEGA FAATINO: Tatalo / Vali ata

A'oa'o ma tauloto le tatalo a le Alii. Fai ni kopi o le pepa galue ua tu'uina atu, ma tapena a'e ni peni vali mo galuega fa'atino a le fanau fa'amolemole.

PESE: Love a little, pray a little!

Love a little pray a little, love a little pray a little—give, give, give, love alot pray a little more....x2

Jesus loves me, Jesus loves me, Jesus loves me, I know he loves me so.

Learn to Pray



Name: _____

Date: _____

☐

I prayed to Jesus



I bend my knees



I fold my hands



I bow my head



I Close my eyes

ASO SA: SETEMA 27, 2026

MATAUPU FAAMANATU O SETEMA: FESILI MA TALI

Momoli le agaga faafetai i lau susuga tusa ai ma galuega mae'ae'a o lenei masina. O le aso lenei ua atofaina mo mataupu faamanatu a le fanau. E iai le manatu o le a taoto atu i lau susuga su'ega a le fanau, e fua i lau silasila ma lau faatatau. A o se tu'ualalo, ia aofia nisi o mataupu o lenei masina na a'oa'oina i lau tapenaga. Manuia tele lau galuega lenei aso, manuia le a'oa'oina o le fanau.

OKETOPA: MALOLOGA MO LE LOTU TAMAITI

ASO SA: NOVEMA 01, 2026

MATAUPU 08: O LE ALII O LO'U LEOLEO MAMOE O IA (The Lord is my Shepherd)

TUSI PAIA: Salamo 23: 1-6

SINI: Ia malamalama le vasega, e leoleo le Alii i lana fanau.

FESOASOANI MO FAIAOGA:

Faafetai le alofa o le Alii ua tatou aulia mai lenei masina fou. Malo le folau, malo galulue i tofiga ua vala'auina ai. Mae'a atu malologa o le aso Sa pa'epa'e, faafetai le lagolagosua i tapenaga mo le aso a nai fanau. Lenei Salamo ua lau silafia, ma e iai le manatu e ta'oto atu lava i lau tapenaga se auala faigofie mo lau lesona. A o le naunauta'iga lava o le fa'ailoa ma fa'amasani le fa'alogo a fanau i le fuaitau lenei "O le Ali'i o lo'u leoleo mamoe o ia". Manuia le galuega a feagai ai!

FESOASOANI MO LE MATAUPU:

O le Salamo ua fai ma mataupu o lenei aso, o upu nei o le pese a le Tupu o Tavita, O le pese lenei o loo fa'amatalaina ai e Tavita le Alii (po lo tatou Atua), o le leoleo mamoe lelei. Galuega a le leoleo mamoe, o le va'ai ma tausii lelei mamoe. E fafaga ma fa'ainu ina ia malolosi ma ola lelei. E puipui ma lavea'i mamoe mai i mea e ono afaina ai, aemaise ni tulaga e tutupu mai ai ni fa'aletonu. E lē faigofie le galuega a le leoleo mamoe auā e feagai pea ma faigata i taimi uma ma aso uma. Peita'i fanau, o le leoleo mamoe lelei, o leoleo mamoe lena e alofa. E puipui ma malutia ana mamoe ina ia ola manuia ma saogalemu. O le ata lena o loo fa'amatalaina ai e Tavita le alofa o le Atua. E pei ona leoleoina e le leoleo mamoe ana mamoe, e fa'apenaina foi ona leoleo e le Atua lana fanau. Le alofa o le Atua e leoleo, puipui, ma aveese mai lana fanau mai faigata, ae ta'ita'i ma ave ona tagata i ala sa'o ma lelei. Ioe tamaiti, e faapena foi o tatou matua (Mom/Dad). O i latou foi o leoleo mamoe lelei, e alofa ia te outou le fanau. O loo tausii ma puipui outou i aso uma ma taimi uma, ina ia outou manuia.

A'OA'OGA:

1. E leoleo le Alii ia te oe i aso uma.
2. E alofa le Atua ia oe ma a'u.

GALUEGA FAATINO: Tauloto / Ata

A'oa'o le tauloto a le fanau ma vali le ata ua tuuina atu.

“O le Alii, o lo'u leoleo mamoe o ia” (The Lord is my Shepherd

PESE: Jesus Loves the Little Ones like Me

*Jesus loves the little ones like me, me, me....x2
a'u....x2*


E alofa Iesu i tamaiti pei o a'u, a'u,

Little ones like me, sat upon His knee

Tamaiti pei o a'u, saofa'i i ona luma

Jesus loves the little ones like me, me, me

E alofa Iesu i tamaiti pei o a'u, o a'u, o a'u



ASO SA: NOVEMA 08, 2026

MATAUPU 09: O LE ALII, O LO’U MALAMALAMA IA (The Lord is My Light)

TUSI PAIA: Salamo 27: 1-4

SINI: A’oa’oina le fanau ina ia malamalama, o le Alii o lo tatou malamalama ia.

FESOASOANI MO FAIAOGA:

Malo le lava papale, fa’afetai le fa’atoatoa i galuega fa’agasolo a lau ekalesia ma lana a’oga Aso Sa. A o lenei aso, e fia tuliloaina pea nisi o fatuga a le fai Salamo auā se lesona mo nai fanau. Tumau pea le fa’atuatuga i lau tapenaga, ma e le taofia ai foi se auala talafeagai ua e silafia ma faigofie, e momoli ai lau mataupu. A o le naunauta’iga lava, ia fa’amasani le fa’alogo a fanau i nisi nei o uiga (attributes) o le Atua.

FESOASOANI MO LE MATAUPU:

O se tasi nei o pese a le fai Salamo o loo fa’amatalaina ai le Atua o le “malamalama”. Tusia lenei pese e le Tupu o Tavita e fa’a’iloa ai lona fa’atuatua ma lona talitonu i le Atua i aso faigata. Na si’i taua mai tagata amio leaga ma si’omia Tavita, taumafai e fasi ma fa’ao’o le oti i le tupu. Fai mai le tala, e le’i fefe pe solomuli Tavita. Ae na maua le lototele ona o lona fa’atuatua i le Atua. Lea e fai mai ai lana pese “O le Alii, o lo’u malamalama ia”. Auā ua iloa lelei Tavita, ua na o le Atua na te fa’amalamalamaina mea pogisa o le soifuaga. Le uiga lea o le “malamalama”-- o le potu, malosi, lototele. Le ala lena na lē fefe ai Tavita e fesāga’i ma tagata amio leaga. Ae na pese ma sa’ili i le Alii ma lona malamalama, e fesoasoani ia te ia. Faapena foi tatou le fanau, ia tatou saili i le Atua e maua ai le malamalama. O a faigata e feagai ma i tatou, o le Alii e maua ai le potu, atamai, malosi, onosa’i, usita’i, fiafia, filemu, ma le tele o isi uiga lelei. Ae fa’asilisili o na mea uma, o le alofa lea. Afai o le Alii o lo tatou malamalama ia, e tatau foi ona avea i ta’ua ma “malamalama” e fa’asusulu atu le alofa mo isi tagata.

A’OA’OGA:

1. Le Alii o lo’u malamalama ia.
2. Avea i ta’ua ma malamalama o le lalolagi.

*** Ma nisi a’oa’oga te finagalo ai.

GALUEGA FA’ATINO: Ata / Tauloto

Fai ni kopi o le pepa galue ua tuuina atu. Valivali le ata ma a’oa’o le tauloto o loo i luga o le pepa.

PESE: This little light of mine / Malamalama la’ititi

This little light of mine, I’m gonna let it shine...x3 Malamalama laititi ia fa’asusulu pea...x3

Let it shine, let it shine, let it shine

Ia susulu, ia susulu, ia mu pea

THE LORD IS MY LIGHT



The LORD is my light.
Psalm 27:1

ASO SA: NOVEMA 15, 2026

MATAUPU 10: O LE FIAFIA I LE ALII, O LO OUTOU MALOSI LEA (The Joy of the Lord is your Strength)

TUSI PAIA: Nehemiah 8: 9-12

SINI: Ia fa'amasani le fa'alogo, ma ia malamalama le fanau o le fiafia i le Alii, e maua mai ai le malosi.

FESOASOANI MO FAIAOGA:

Viia le Atua i lona alofa fa'asoa, tatou maua le malosi ma le onosa'i e fa'aauau ai o tatou tiute fa'atino. Lenei aso, taumafai lava i se auala ina ia fa'afeso'otai le lesona ma le pese ua tuuina atu, e fa'amautu ai le mataupu. Ae taoto atu lava le fa'atuatua i lau tapenaga ma se auala faigofie ua e manatu ai auā le a'oa'oina o fanau. Manuia lau galuega!

FESOASOANI MO LE MATAUPU:

Ina ua agasala ma fa'alogo gatā Isaraelu, na fa'asalaina e le Atua ma ave'ese ma le nu'u. O le alofa o le Atua, na toe fo'i ai Isaraelu i le nuu. O le mea ua tupu, e taunuu atu Nehemiah o loo malepe le pa o Ierusalem. E oo lava i tagata o Isaraelu, o loo ola i se ola fa'aletonu (broken lives). Ua le toe fiafia tagata i le lotu. Le toe fia fa'alogo ma usita'i i tulafono a le Alii. Le toe iai se ola fesoasoani (helping and sharing), leai se ola fetausia'i (caring). A o le mea pito sili ona faigata, ua galo e tagata le Atua. Ona fa'apotopotoina lea e Nehemiah le nuu se i fa'alogologo ia Esera i le faitauina o le tulafono a le Atua (tulafono Mose). Ua fetagisi le nuu uma ina ua latou fa'alogologo i upu o le tulafono. Lea ua fa'ailoa e Nehemiah, e galo loa e le tagata tulafono a le Atua, tutupu loa faigata. Auā o le fiafia i le Alii o lo outou malosi lea. O le alofa o le Atua e sili atu i faigata o le olaga. Fiafia i le Alii, e maua ai le poto, atamai, filemu, amio lelei, ma le alofa. Tamaiti, o le fiafia i le a'oga Aso Sa, o lou fiafia foi lena i le Alii.

A'OA'GA:

1. E alofa le Atua ia i tatou uma.
 2. E fiafia Iesu i le tamaitiiti usita'i
- *** Ma nisi a'oa'oga te finagalo ai.

GALUEGA FAATINO: Tauloto / Tusi Ata

1. A'oa'o le Tauloto "*The Joy of the Lord is my Strength*"
2. Tapena ane ni peni vali / pepa, e tusi ai le ata o le foliga fiafia (Draw a Happy Face)

PESE: Olioli i le Alii o lo'u malosi lea / The Joy of the Lord is my strength

ASO SA: NOVEMA 22, 2026

MATAUPU 11: TAVITA MA KOLIATA (David and Goliath)

TUSI PAIA: 1 Samuelu 17: 45-50

SINI: Ia iloa ma malamalama le fanau, na manumalo Tavita i le toa o Koliata.

FESOASOANI MO FAIAOGA:

Malo le galulue, faafetai le onosa'i i le a'oa'oina o le fanau. Ua aumaia le tala ia Tavita ma Koliata, e fa'ai'u ai se lesone mo lenei masina. E iai le manatu o se tala masani, ma e tu'uina atu pea i lau susuga lau oe lava tapenaga, aemaise se gagana faigofie mo lau mataupu. Manuia lau galuega!

FESOASOANI MO LE MATAUPU:

O le tala ia Tavita ma le toa o Filisitia e igoa ia Koliata. O Tavita ua na'o se tamaitiiti, a o Koliata o se tagata tino telē ma maua luga, o se tagata e uiga ese lona malosi pei se sau'ai. Fai mai ua fefefe le 'au tau a Isaraelu i lenei tagata. Ua leiloa foi e Isaraelu pe faafefea ona latou fa'atolaloina lea tagata faigata. Peitai, e fa'atauva'a ia o le au'upega na fa'aaogaina e Tavita. Ua na o ma'a mai le vaitafe ma le ma'atā na ia ave e tau ai ma le toa tino ese lea o Koliata. Fai mai Tavita ia Koliata *"E te sau ia te a'u ma le pelu ma le tao, ae ou te alu atu ia te oe i le suafa o le Alii o 'au, o le Atua o le itutaua o Isaraelu, ua e fāifai i ai"*. Fai mai na tu atu Tavita ma le ma'atā ma lia'i atu ai le ma'a ia Koliata. Fai mai le tala, na lavea ma oti Koliata ina ua tau le ma'a i lona muaulu, ona manumalo ai lea o Tavita. Ioe, ua na o le Atua malosi lava tatou te 'au faatasi, e manuia ma tatou manumalo ai mai le fili ma mea faigata uma o le olaga, pe afai tatou tumau i le ola talitonu i le Atua. Auā o le Atua alofa, e auai pea ma lana fanau i taimi uma.

A'OA'OGA:

1. Tumau/Talitonu i le Atua (Trust/Believe in God)
2. E alofa le Atua i tamaiti usitai ma amio lelei.

*** Ma nisi a'oa'oga ua e manatu ai.

GALUEGA FAATINO: Tusi le igoa (trace) / Vali le Ata

Faamolemole fai se kopi o le pepa galue, e a'oa'o le tusiina o le igoa ma valivali le ata

PESE: Tumau ma Pipi'i mau

Oute tumau ma pipi'i mau (2x)



Ti'apolo taumafai e liliu ese a'u, oute tumau ma pipi'i mau

A ia e tau malosi tete'e i le fili, aua lava nei e faavaivai

A ia e tau mo le Alii o 'au, e aoga tutumau

D is for David

David was a shepherd (1 Samuel 16:11).
Trace the letters. Color the picture.




Trace the letter d



Color one of David's sheep

david



ASO SA: NOVEMA 29, 2026

MATAUPU FAAMANATU O NOVEMA: FESILI MA TALI

Momoli le agaga faafetai i lau susuga tusa ai ma galuega mae'ae'a o lenei masina. O le aso lenei ua atofa mo mataupu faamanatu a le fanau. E iai le manatu o le a taoto atu i lau susuga su'ega a le fanau, e fua i lau silasila ma lau faatatau. A o se tu'ualalo, ia aofia nisi o mataupu ta'itasi o lenei masina na a'oa'oina i lau tapenaga. Manuia tele lau galuega lenei aso, manuia le a'oa'oina o le fanau.

ASO SA: TESEMA 6, 2026

MATAUPU 12: O LE A FANAU MAI IESU (Jesus will be born)

TUSI FAITAU: Luka 1: 26-31

SINI: Ia malamalama le fanau, na fa'aali le agelu ia Maria, o le a fanau Iesu.

FESOASOANI MO FAIAOGA:

Malo le tauata'i, malo le onosai punoua'i i le soifua valaauina mo le galuega a le Alii. Ua tatou taunuu mai i le masina mulimuli a o le lasi mataupu foi o lenei tausaga, faafetai le lagolagosua i faatinoga a le ekalesia aoao e ala i lana a'oga aso Sa. Ua tatou iai i le vaitau o le Kerisimasi e faatalitali ma faamanatuina ai le fanau mai o lo tatou Alii Faaola. Peitai o le mataupu lenei aso, ua auina atu e le Atua lana agelu o Kaperielu e faailoa lona finagalo ia Maria. Manuia lau tapenaga!

FESOASOANI MO LE MATAUPU:

Na auina atu e le Atua le agelu o Kaperielu i le aai o Nasareta i Kalilaia, i le taupou o le aiga o Tavita ua igoa iā Maria. Sa faate'ia Maria i le oo atu o le agelu ma faapea atu iā te ia, "Maria e, 'aue e te fefe, auā ua alofaina mai oe e le Atua. Faauta, o le a to oe, ma e fanauina se tama tane, e te faaigoā iā te ia o Iesu. Sa talia ma le loto maulalo e Maria le tala a le agelu. Lea na ia faapea ane ai i le fuaiupu 38: "Faauta, o a'u nei o le auauna a le Alii, ia faia iā te a'u e tusa o lau fetalaiga." E lei fefe Maria i le tala ua oo atu. Na talia ma le loto maulalo e Maria le finagalo a le Atua na fa'aali atu e le agelu. Ma ua fanauina ai e Maria le pepe o le Kerisimasi, ua igoa ia Iesu.


A'OA'OGA:

1. Aua le fefe, ua ia te i tatou le Atua. (Do not be afraid, God is with us)
2. Faafetai le Atua mo le pepe o Iesu. (Thank you Lord for baby Jesus)

GALUEGA FAATINO: Tusi igoa (Trace) / Vali Ata

Fai ni kopi o le pepa galue ma ni peni vali mo galuega fa'atino a le fanau fa'amolemole.

PESE: Happy Birthday Jesus, im so glad is Christmas!



SUEGA FAAIU O LE TAUSAGA A'OGA 2026

<<<<<<<<<MERRY CHRISTMAS AND A HAPPY NEW YEAR>>>>>>>>



Tautua Printing Press
1 Kanana Fou St, PO Box 1537
Kanana Fou, American Samoa 96799
Tel. (684) 699-9810
cccas@efkasonline.org
<https://efkasonline.org>